

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
ZENICA
Broj: T04 0 KT 0049387 24
Zenica, 03.04.2024. godine

OPĆINSKI SUD U ZENICI
-Sudiji za prethodno saslušanje-

Z E N I C A

Na osnovu odredbe člana 45. stav 2. tačka i) u vezi sa odredbom člana 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

Č.E., osuđivan zbog krivičnih dijela: iz člana 279. stav 2. KZ F BiH, iz člana 339. stav 2. KZ F BiH, iz člana 316. stav 1. KZ F BiH, iz člana 286. stav 1. KZ F BiH, iz člana 287. stav 1. KZ F BiH, iz člana 374. stav 4. KZ F BiH, iz člana 239. stav 3. KZ F BiH, iz člana 373. stav 2. KZ F BiH, iz člana 232. stav 1. KZ F BiH i iz člana 222. stav 2. KZ F BiH presudama Općinskog suda Zenica, Općinskog suda Ljubuški, Općinskog suda Žepče i Općinskog suda Zavidovići, kojim presudama su mu izricane uvjetne osude i kazne zatvora,

što je:

dana 16.06.2022. godine, u gradu Zenica, naselje Nemila u ulici D. bb, prilikom pretresa od strane ovlaštenih službenih osoba PU I Zenica postupajući po naredbi Općinskog suda u Zenici, sudije za prethodni postupak od 16.06.2022. godine, suprotno odredbama člana 4. stav 1., 2, 3. i 5., a u vezi sa odredbom člana 19. Zakona o sprečavanju i suzbijanju zloupotrebe opojnih droga („Službeni glasnik BiH“ broj 8/06, 103/08 i 51/11), iako je bio svjestan i znao da se radi o opojnoj drogi i da je držanje i prodaja droge zabranjena, što je i htio, radi prodaje neovlašteno držao jednu staklenu teglu u kojima se nalazila biljna materija ukupne neto mase 1,905 grama za koju materiju je vještačenjem utvrđeno da sadrži psihoaktivnu supstancu tetrahidrokanabinol (THC), poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena kao takva, jednu plastičnu kutiju oblika valjka u kojoj su se nalazile biljne sjemenke i biljna materija neto težine 3,134 grama za koju materiju je vještačenjem utvrđeno da sadrži psihoaktivnu supstancu tetrahidrokanabinol (THC), poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena takvom, dvije staklene tegle u kojima se nalazila biljna materija ukupnih neto masa 20,570 grama i 24,795 grama za koju materiju je vještačenjem utvrđeno da sadrži psihoaktivnu supstancu tetrahidrokanabinol (THC), poznatiju kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena takvom i jedna smeđa papirna vreća u kojoj su se nalazile četiri biljne stabljike sa korjenskim sastavom dužina cca 20 cm, 35 cm, 55 cm i 80 cm sa dijelovima izlomljenih biljnih stabljika za koju materiju je vještačenjem utvrđeno da sadrži psihoaktivnu supstancu tetrahidrokanabinol (THC), poznatiju

kao opojna droga marihuana, koja je pod rednim brojem 13. liste opojnih droga i rednim brojem 26. liste psihotropnih tvari iz Tablice I „Zabranjene tvari i biljke“ proglašena takvom, kao i jednu crnu digitalnu vagu dimenzija cca 20x13x2 cm sa tragovima bijele NN materije, koja opojna droga mu je istog dana oduzeta od strane ovlaštenih službenih osoba PU I Zenica,

dakle, radi prodaje neovlašteno držao opojnu drogu,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.